

**9.**

Na osnovu člana 13. stav (2) alineja 18. Zakona o principima lokalne samouprave ("Službene novine FBiH" broj 49/06 i 51/09), i člana 6. a u vezi s članom 23. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH („Sl.novine FBiH“ broj 36/99,54/04, 39/06,14/09,7/14,45/16,19/17, 40/18, 52/22, 16/23 i 60/23) i člana 21. tačka 2. Statuta Grada Gradačac ("Službeni glasnik Grada Gradačac" broj 10/22), na prijedlog Gradonačelnika Grada Gradačac, Gradsko vijeće Grada Gradačac, na 11. redovnoj sjednici održanoj 27.11.2025. godine, donosi

**O D L U K U**  
**O OPĆIM USLOVIMA, KRITERIJIMA I**  
**POSTUPKU ZA OSTVARIVANJE PRAVA NA**  
**STIPENDIJU GRADA GRADAČAC**

**Član 1.**

Ovom Odlukom utvrđuju se opći uslovi, kriteriji i postupak za ostvarivanje prava na stipendiju Grada Gradačac učenicima i studentima koji se školuju u javnim srednjim školama i na javnim univerzitetima u Bosni i Hercegovini.

**Član 2.**

Izrazi koji se koriste u ovoj Odluci, a imaju rodno značenje, koriste se neutralno i odnose se jednako na muški i ženski rod.

**I OPĆI USLOVI****Član 3.**

Pravo na stipendiju Grada Gradačac mogu ostvariti učenici srednjih škola i redovni studenti prvog i drugog ciklusa bolonjskog sistema studiranja (master studija) kao i studenti od I do VI godine integrisanog studija (medicinski, farmaceutski, stomatološki) u okviru kategorija predviđenih ovom Odlukom.

**Član 4.**

Stipendije se dodjeljuju za jednu školsku/akademsku godinu.

**Član 5.**

Stipendije se dodjeljuju kandidatima koji ispune propisane uslove u svakoj od pojedinih kategorija.

**Član 6.**

Pravo na stipendiju imaju učenici i studenti koji se školuju u javnim srednjim školama i na javnim univerzitetima u Bosni i Hercegovini.

**Član 7.**

Pravo na dodjelu stipendije Grada Gradačac imaju kandidati koji ispunjavaju opće uslove:

- da su državljani BiH sa prebivalištem na području grada Gradačac
- da su redovni učenici/studenti javnih srednjih škola/fakulteta u BiH
- da prvi puta upisuju razred/godinu
- da nisu stariji od 26 godina

**Član 8.**

Pravo na dodjelu stipendije Grada Gradačac ne mogu ostvariti kandidati u slijedećim situacijama:

- ako obnavljaju školsku/akademsku godinu
- ako su korisnici stipendije od drugog izvora ( budžeta drugih nivoa vlasti, fondacija i sl.)
- ako su u statusu apsolventa
- ako su zasnovali radni odnos ( studenti master studija)
- ako iz bilo kojeg razloga u toku školske/akademske godine prekinu redovno školovanje.

**Član 9.**

U kategorijama u kojima se vrši bodovanje primanja svih članova domaćinstva pri utvrđivanju prosjeka primanja uzimaju se u obzir: plate, penzije PIO/MIO, prihodi od samostalne djelatnosti, primanja po osnovu članstva u predstavničkim tijelima (paušali), primanja po osnovu članstva u upravnim/nadzornim odborima, ugovori i ostali prihodi za mjesec navedene u konkursu.

**Član 10.**

Sredstva za stipendije planiraju se i obezbjeđuju u Budžetu Grada Gradačac.

Gradsko vijeće Gradačac za svaku školsku/akademsku godinu donosi Odluku o iznosu sredstava za stipendiranje, visini pojedinačnih stipendija i broju rata.

**Član 11.****II KATEGORIJE U KOJIMA SE DODJELJUJU STIPENDIJE SU:****Kategorija 1:**

Učenici generacije osnovnih i srednjih škola grada Gradačac

**Kategorija 2:**

Studenti sa ostvarenom prosječnom ocjenom u prethodnoj akademskoj godini 9,0 i više

**Kategorija 3:**

Učenici i studenti iz porodica sa troje i više djece

**Kategorija 4:**

Učenici i studenti iz socijalno ugroženih porodica

- a) učenici/ studenti iz porodica korisnika stalne socijalne pomoći
- b) učenici/ studenti bez jednog ili oba roditelja
- c) učenici/ studenti na hraniteljskom/domskom smještaju
- d) učenici/studenti iz romskih porodica
- e) učenici sa invaliditetom preko 70% ili iz porodice roditelja sa invaliditetom (preko 70%)

**Kategorija 5:**

Studenti iz porodica korisnika boračko-invalidske zaštite

**Kategorija 6:**

Studenti II do VI godine integrisanog dodiplomskog studija i I ciklusa bolonjskog sistema studiranja

**Kategorija 7:**

Studenti II ciklusa bolonjskog sistema studiranja (master studij)

**Kategorija 8:**

Studenti prve godine studija – brucosi

**Član 12.****III KRITERIJI ZA OSTVARIVANJE PRAVA NA STIPENDIJU U SVAKOJ OD KATEGORIJA:****KATEGORIJA 1: Učenici generacije osnovnih i srednjih škola grada Gradačac.**

Pravo na stipendiju ostvaruju svi kandidati koji su u prethodnoj školskoj godini stekli diplomu „Učenik generacije“ u sedam osnovnih i dvije srednje škole Grada Gradačac i nastavili redovno školovanje u javnim obrazovnim ustanovama u BiH.

<b>Kriterij</b>	<b>Bodovanje</b>	<b>Dokumentacija</b>
Redovan učenik /student u tekućoj školskoj godini	Nema postupka bodovanja	1. Uvjerenje o redovnom školovanju/ studiranju
Učenik generacije u prethodnoj školskoj godini		2. Diploma „Učenik generacije“ – ovjerena fotokopija
		<b>Ostala potrebna dokumentacija:</b>
		1.Prijavni obrazac
		2.CIPS prijava (pribavlja Služba)
		3.Izjava da kandidat nije korisnik stipendije iz drugih izvora finansiranja-ovjerena
		4.Podaci o tekućem računu otvorenom na ime kandidata - Instrukcija za plaćanje izdata od banke

**KATEGORIJA 2: Studenti sa ostvarenom prosječnom ocjenom u prethodnoj akademskoj godini 9,0 i više**

Pravo na stipendiju ostvaruju kandidati koji su u prethodnoj akademskoj godini ostvarili prosječnu ocjenu najmanje 9,0.

Kriterij	Bodovanje	Dokumentacija
Redovan student u tekućoj školskoj godini	Nema bodovanja postupka	1. Uvjerenje o redovnom studiranju - original
Ostvaren uspjeh u prethodnoj akademskoj godini veći od 9,00		2. Uvjerenje o prosjeku ocjena u prethodnoj akademskoj godini
		<b>Ostala potrebna dokumentacija:</b>
		1. Prijavni obrazac
		2. CIPS prijava (pribavlja Služba)
		3. Izjava da kandidat nije korisnik stipendije iz drugih izvora finansiranja - ovjerena
		4. Podaci o tekućem računu otvorenom na ime kandidata - Instrukcija za plaćanje izdata od banke

**KATEGORIJA 3: Učenici i studenti iz porodica sa troje i više djece**

Pravo na stipendiju ostvaruju učenici srednjih škola i studenti iz porodica sa troje i više djece koji su redovno upisali prvi puta školsku/akademsku godinu i kojima primanja po članu domaćinstva ne prelaze **50% prosječne plate u FBiH** prema posljednjim zvanično objavljenim podacima prije objavljivanja konkursa.

Porodicu, u smislu zakona, čini: bračni drug, odnosno vanbračni drug, dijete (bračno, vanbračno, usvojeno, pastorče i dijete bez roditelja uzeto na izdržavanje), otac, majka, maćeha, djed i baba-nena (po ocu i majci) i braća i sestre bračnih drugova.

Djetetom se smatra lice do 18 godina života i lice koje zbog ostvarivanja prava na dodatak na djecu i osiguravanja školarine ili stipendije za đake i studente, ima i više od 18, a manje od 27 godina života.

Eliminatorni kriteriji:

- prosjek svih primanja po članu porodice prelazi 50% prosječne plate u FBiH prema posljednjim zvanično objavljenim podacima prije objavljivanja konkursa.

Kriterij	Bodovanje	Potrebna dokumentacija
<b>Eliminatorno:</b> Primanja po članu porodice prelaze 50% prosječne plate u FBiH prema posljednjim zvanično objavljenim podacima prije objave konkursa		
Redovan učenik /student u tekućoj školskoj/akademskoj godini		1.Uvjerenje o redovnom školovanju/ studiranju - original
Tri ili više članova porodice su djeca do 18 godina ili do 26 godina u statusu redovnog studenta	Nema postupka bodovanja, potrebno samo da bude ispunjen kriterij.	<ol style="list-style-type: none"> <li>1. Kućna lista - ovjerena</li> <li>2. Izvod iz matične knjige rođenih za svako dijete u porodici – ovjerena fotokopija</li> <li>3. Uvjerenje o redovnom školovanju/ studiranju za braću i sestre - original</li> <li>4. Ostali dokumenti kojima se dokazuje porodični status (za umrlog roditelja – Izvod iz MK umrlih, presuda o razvodu braka, Rješenje o starateljstvu) – ovjerena fotokopija</li> </ol>
Primanja po članu porodice ne prelaze 50% prosječne plate u FBiH prema posljednjim zvanično objavljenim podacima prije objave konkursa		<ol style="list-style-type: none"> <li>1. Uvjerenje Službe za zapošljavanje ili uvjerenje iz ispostave porezne uprave za sve nezaposlene članove porodice</li> <li>2. Dokazi o primanjima svih punoljetnih članova porodice: <ol style="list-style-type: none"> <li>2.1.Platne liste za tri mjeseca navedena u konkursu – original ili ovjerena kopija</li> <li>2.2.Ček PIO/MIO – za mjesec prije objavljivanja Konkursa - original ili ovjerena kopija</li> <li>2.3.Uvjerenje Porezne uprave o primanjima od samostalne djelatnosti, primanjima po osnovu članstva u predstavničkim</li> </ol> </li> </ol>

		tijelima (paušali), primanjima po osnovu članstva u upravnim/nadzornim odborima
		<b>Ostala potrebna dokumentacija:</b>
		1.Prijavni obrazac
		2. CIPS prijava (pribavlja Služba)
		3.Izjava da kandidat nije korisnik stipendije iz drugih izvora finansiranja-ovjerena
		4. Podaci o tekućem računu otvorenom na ime kandidata - Instrukcija za plaćanje izdata od banke

**KATEGORIJA 4: Učenici srednjih škola i studenti iz socijalno ugroženih porodica**

- a) učenik/ student iz porodice korisnika stalne socijalne pomoći
- b) učenik/ student bez jednog ili oba roditelja
- c) učenik/student na porodičnom/ hraniteljskom /domskom smještaju
- d) učenik/student iz romskih porodica
- e) učenik/student sa invaliditetom 70% i više ili iz porodice roditelja sa invaliditetom ( 70% i više)

U ovoj kategoriji pravo na stipendiju ostvaruju svi kandidati koji su redovni učenici srednjih škola/studenti koji prvi puta upisuju školsku /akademsku godinu i posjeduju dokumentaciju o navedenom socijalnom statusu u okviru ove kategorije.

Kriterij	Bodovanje	Dokumentacija
a) učenik/ student iz porodice korisnika stalne socijalne pomoći	Nema postupka bodovanja, potrebno samo da bude ispunjen kriterij.	1.Uvjerenje o redovnom školovanju/ studiranju - original 2.Rješenje Centra za socijalni rad - ovjerena kopija 3. Kućna lista - ovjerena
b) Učenik / student bez jednog ili oba roditelja	Nema postupka bodovanja, potrebno samo da bude ispunjen kriterij.	1.Uvjerenje o redovnom školovanju/ studiranju - original

		<p>2. Izvod iz matične knjige umrlih za roditelja/e -ovjerena fotokopija</p> <p>3. Rješenje o starateljstvu-ovjerena fotokopija</p>
c) Učenik/student na porodičnom/hraniteljskom /domskom smještaju	Nema postupka bodovanja, potrebno samo da bude ispunjen kriterij.	<p>1. Uvjerenje o redovnom školovanju/ studiranju - original</p> <p>2. Rješenje Centra za socijalni rad za status hraniteljskog ili domskog smještaja - ovjerena kopija</p>
d) Učenici/studenti iz romskih porodica	Nema postupka bodovanja, potrebno samo da bude ispunjen kriterij	<p>1. Uvjerenje o redovnom školovanju/ studiranju – original</p> <p>2. Ovjerena Izjava roditelja ili korisnika stipendije da je pripadnik romske nacionalne manjine, ili Izvod iz MK rođenih u kojem je navedena nacionalna pripadnost romskoj nacionalnoj manjini</p> <p>3. Kućna lista - ovjerena</p>
e) Učenici/studenti sa invaliditetom 70% i više ili iz porodice roditelja sa invaliditetom ( 70% i više)	Nema postupka bodovanja, potrebno samo da bude ispunjen kriterij	<p>1. Uvjerenje o redovnom školovanju/ studiranju - original</p> <p>2. Rješenje Centra za socijalni rad ili nadležne medicinske institucije kojom se dokazuje procenat invaliditeta - ovjerena kopija</p> <p>3. Kućna lista - ovjerena</p>
Za sve kandidate pod a), b), c), d) i e)		<b>Ostala potrebna dokumentacija:</b>
		1. Prijavni obrazac
		2. CIPS prijava (pribavlja Služba)
		3. Izjava da kandidat nije korisnik stipendije iz drugih izvora finansiranja_ ovjerena
		4. Podaci o tekućem računu otvorenom na ime kandidata - Instrukcija za plaćanje izdata od banke

**KATEGORIJA 5: Studenti iz porodica korisnika boračko-invalidske zaštite**

U ovoj kategoriji pravo na stipendiju ostvaruju redovni studenti koji prvi puta upisuju školsku/akademsku godinu i posjeduju dokumentaciju o navedenom boračkom statusu u okviru ove kategorije.

U ovoj kategoriji se primjenjuju dva eliminatorna kriterija koja se odnose na prosječnu ocjenu i visinu primanja po članu porodice.

Kandidati unutar kategorije se rangiraju prema ukupnom broju ostvarenih bodova, a pravo na stipendiju ostvaruju kandidati do rednog broja raspoloživih stipendija u skladu sa sredstvima predviđenim u odluci o iznosu sredstava za stipendiranje.

Eliminatorni kriteriji:

- prosječna ocjena u prethodnoj akademskoj godini manja od:
  - 7,00 (3,00 na skali ocjenjivanja od 2-5) na tehničkim i medicinskim fakultetima
  - 7,50 (3,50 na skali ocjenjivanja od 2-5) na društvenim fakultetima
- prosjek svih primanja po članu porodice prelazi 50% prosječne plate u FBiH

Elementi bodovanja:

- Prosječna ocjena iz prethodne akademske godine (izražena sa dvije decimale) pomnožena sa 100
- Bodovi po osnovu primanja po članu porodice
- bodovi za brata /sestru redovnog studenta ili učenika osnovne/srednje škole
- bodovi za svaku godinu studija kandidata
- bodovi po osnovu boračkog statusa

Kriterij	Bodovanje	Potrebna dokumentacija
<b>Eliminatorno:</b> Prosječna ocjena u prethodnoj akademskoj godini manja od 7,0 na tehničkim i medicinskim i 7,5 na društvenim fakultetima		
<b>Eliminatorno:</b> Prianja po članu porodice prelaze 50% prosječne plate u FBiH prema posljednjim zvanično objavljenim podacima prije objave konkursa		
Redovan student u tekućoj akademskoj godini		1.Uvjerenje o redovnom studiranju - original
Prosječna ocjena iz prethodne akademske godine	Prosječna ocjena iz prethodne školske godine izražena sa dvije decimale X 100	1.Uvjerenje o prosjeku ocjena ostvarenih u prethodnoj akademskoj godini ( ne prihvata se kopija Indexa)
Prianja po članu porodice ne prelaze 50% prosječne plate u FBiH prema posljednjim zvanično objavljenim podacima prije objave konkursa	1.Porodica bez primanja..... <b>60 b.</b> 2.Prianja po članu porodice do 10% prosječne plate..... <b>50 b.</b> 2.Prianja po članu porodice od 11 do 20% prosječne plate..... <b>40 b.</b>	1. Kućna lista na ime kandidata - ovjerena 2. Uvjerenje Službe za zapošljavanje ili uvjerenje iz ispostave porezne uprave za sve nezaposlene članove porodice

	<p>2.Primanja po članu porodice do 21 do 30% prosječne plate.....<b>30 b.</b></p> <p>2.Primanja po članu porodice od 31 do 40% prosječne plate.....<b>20 b.</b></p> <p>2.Primanja po članu porodice od 41 do 50% prosječne plate.....<b>10 b.</b></p>	<p>3.Dokazi o primanjima svih punoljetnih članova porodice:</p> <p>3.1. Platne liste za tri mjeseca navedena u konkursu – original ili ovjerena kopija</p> <p>3.2. Ček PIO/MIO– za mjesec prije objavljivanja Konkursa - original ili ovjerena kopija</p> <p>3.3. Uvjerenje Porezne uprave o primanjima od samostalne djelatnosti, primanjima po osnovu članstva u predstavničkim tijelima (paušali), primanjima po osnovu</p>
Godina studija kandidata	Broj upisane godine X 2 boda	1.Uvjerenje o redovnom studiranju - original
Brat ili sestra redovan student/učenik	Redovan student/učenik X 5 bodova	Uvjerenje o redovnom studiranju za brata ili sestru
Borački status	<p>1.Kandidat - član porodice dobitnika najviših ratnih priznanja: „Zlatni ljiljan“, Zlatna policijska zvijezda“ i druga odlikovanja u ovom rangu koja su utvrđena Zakonom o posebnim pravima dobitnika ratnih priznanja i odlikovanja i članova njihovih porodica.....10</p> <p>2.Kandidat - član porodice ratnog vojnog invalida..... 8</p> <p>3.Kandidat - član porodice demobilisanog borca .....6</p> <p>4.Kandidat člana porodice dobitnika odlikovanja „Srebrene policijske značke“ i „Srebrenog štita“ .....5</p> <p>5.Kandidat člana porodice dobitnika odlikovanja „Red hrvatskog pletera“.....3</p>	Uvjerenje nadležne službe za boračko-invalidsku zaštitu o boračkom statusu
		<p><b>Ostala potrebna dokumentacija:</b></p> <p>1.Prijavni obrazac</p> <p>2. CIPS prijava (pribavlja Služba)</p> <p>3. Izjava da kandidat nije korisnik stipendije iz drugih izvora finansiranja - ovjerena</p> <p>4.Podaci o tekućem računu otvorenom na ime kandidata - Instrukcija za plaćanje izdata od banke</p>

**KATEGORIJA 6: Studenti II do VI godine dodiplomskog studija i I ciklusa bolonjskog sistema studiranja**

Pravo na stipendiju ostvaruju studenti koji prvi puta redovno upisuju godinu studija na nekom od fakulteta u BiH. U ovoj kategoriji se primjenjuju dva eliminatorna kriterija koja se odnose na prosječnu ocjenu i visinu primanja po članu porodice.

Eliminatorni kriteriji:

- prosječna ocjena u prethodnoj akademskoj godini manja od:
  - 7,00 (3,00 na skali ocjenjivanja od 2-5) na tehničkim i medicinskim fakultetima
  - 7,50 (3,50 na skali ocjenjivanja od 2-5) na društvenim fakultetima
- prosjek svih primanja po članu porodice prelazi 50% prosječne plate u FBiH

Elementi bodovanja:

- Prosječna ocjena iz prethodne akademske godine pomnožena sa 100
- Bodovi po osnovu primanja po članu porodice
- bodovi za brata /sestru studenta ili učenika osnovne /srednje škole
- bodovi za svaku godinu studija

Kriterij	Bodovanje	Potrebna dokumentacija
<b>Eliminatorno:</b> Prosječna ocjena u prethodnoj akademskoj godini manja od 7,0 na tehničkim i medicinskim i 7,5 na društvenim fakultetima		
<b>Eliminatorno:</b> Primanja po članu porodice prelaze 50% prosječne plate u FBiH prema posljednjim zvanično objavljenim podacima prije objave konkursa		
Redovan student u tekućoj akademskoj godini		1.Uvjerenje o redovnom studiranju - original
Prosječna ocjena iz prethodne akademske godine	Prosječna ocjena iz prethodne akademske godine izražena sa dvije decimale X 100	1. Uvjerenje o prosjeku ocjena ostvarenih u prethodnoj akademskoj godini ( ne prihvata se kopija Indexa)
Primanja po članu porodice ne prelaze 50% prosječne plate u FBiH prema posljednjim zvanično objavljenim podacima prije objave konkursa	1.Porodica bez primanja..... <b>60 b.</b>  2.Primanja po članu porodice do 10% prosječne plate..... <b>50 b.</b>  2.Primanja po članu porodice od 11 do 20% prosječne plate..... <b>40 b.</b>	1.Kućna lista – ovjerena  2. Uvjerenje Službe za zapošljavanje ili uvjerenje iz ispostave Porezne uprave za sve nezaposlene članove porodice  3.Dokazi o primanjima svih punoljetnih članova porodice:

	<p>2.Primanja po članu porodice do 21 do 30% prosječne plate.....<b>30 b.</b></p> <p>2.Primanja po članu porodice od 31 do 40% prosječne plate.....<b>20 b.</b></p> <p>2.Primanja po članu porodice od 41 do 50% prosječne plate.....<b>10 b.</b></p>	<p>3.1. Platne liste za tri mjeseca navedena u konkursu – original ili ovjerena kopija</p> <p>3.2. Ček PIO/MIO – za mjesec prije objavljivanja Konkursa - original ili ovjerena kopija</p> <p>3.3. Uvjerenje Porezne uprave o primanjima od samostalne djelatnosti, primanjima po osnovu članstva u predstavničkim tijelima (paušali), primanjima po osnovu članstva u upravnim/nadzornim odborima</p>
Godina studija kandidata	Broj upisane godine X 2 boda	Uvjerenje o redovnom studiranju kandidata
Brat ili sestra redovan student/učenik	Redovan student/učenik X 5 bodova	1.Uvjerenje o redovnom studiranju/školovanju za brata ili sestru
		<b>Ostala potrebna dokumentacija:</b>
		1.Prijavni obrazac
		2.CIPSprijava(pribavlja Služba)
		3.Izjava da kandidat nije korisnik stipendije iz drugih izvora finansiranja-ovjerena
		4.Podaci o tekućem računu otvorenom na ime kandidata - Instrukcija za plaćanje izdata od banke

### **KATEGORIJA 7: Studenti II ciklusa bolonjskog sistema studiranja ( master studij)**

Pravo na stipendiju ostvaruju studenti koji prvi puta redovno upisuju godinu II ciklusa bolonjskog sistema studiranja ( master studija) na nekom od fakulteta u BiH.

U ovoj kategoriji se primjenjuju tri eliminatorna kriterija koja se odnose na prosječnu ocjenu, visinu primanja po članu porodice i radno-pravni status studenta.

#### Eliminatorni kriteriji:

- prosječna ocjena u prethodnoj akademskoj godini manja od:
- 7,00 ( 3,00 na skali ocjenjivanja od 2-5) na tehničkim i medicinskim fakultetima
- 7,50 ( 3,50 na skali ocjenjivanja od 2-5) na društvenim fakultetima
- prosjek svih primanja po članu porodice prelazi 50% prosječne plate u FBiH
- radno-pravni status studenta ( da kandidat nije u radnom odnosu )

Elementi bodovanja:

- Prosječna ocjena iz prethodne akademske godine pomnožena sa 100
- Bodovi po osnovu primanja po članu porodice
- bodovi za brata /sestru studenta ili učenika osnovne /srednje škole
- bodovi za svaku godinu studija

Kriterij	Bodovanje	Potrebna dokumentacija
<b>Eliminatorno:</b> Prosječna ocjena u prethodnoj akademskoj godini manja od 7,0 na tehničkim i medicinskim i 7,5 na društvenim fakultetima		
<b>Eliminatorno:</b> Primanja po članu porodice prelaze 50% prosječne plate u FBiH prema posljednjim zvanično objavljenim podacima prije objave konkursa		
<b>Eliminatorno:</b> Kandidat je zasnovao radni odnos		1.Uvjerenje Službe za zapošljavanje ili uvjerenje iz ispostave Porezne uprave za kandidata
Redovan student u tekućoj akademskoj godini		1.Uvjerenje o redovnom studiranju - original
Prosječna ocjena iz prethodne akademske godine	Prosječna ocjena iz prethodne akademske godine izražena sa dvije decimale X 100	1. Uvjerenje o prosjeku ocjena ostvarenih u prethodnoj akademskoj godini ( ne prihvata se kopija Indexa)
Primanja po članu porodice ne prelaze 50% prosj ečne plate u FBiH prema posljednjim zvanično objavljenim podacima prije objave konkursa	1.Porodica bez primanja..... <b>60 b.</b> 2.Primanja po članu porodice do 10% prosječne plate..... <b>50 b.</b> 2.Primanja po članu porodice od 11 do 20% prosječne plate..... <b>40 b.</b> 2.Primanja po članu porodice do 21 do 30% prosječne plate..... <b>30 b.</b> 2.Primanja po članu porodice od 31 do 40% prosječne plate..... <b>20 b.</b>	1.Kućna lista – ovjerena 2. Uvjerenje Službe za zapošljavanje ili uvjerenje iz ispostave Porezne uprave za sve nezaposlene članove porodice 3.Dokazi o primanjima svih punoljetnih članova porodice: 3.1. Platne liste z a tri mjeseca navedena u konkursu – original ili ovjerena kopija 3.2. Ček PIO/MIO – za mjesec prije objavljivanja Konkursa - original ili ovjerena kopija

	2.Primanja po članu porodice od 41 do 50% pr osječne plate.....10 b.	3.3. Uvjerenje Porezne uprave o primanjima od samostalne djelatnosti, primanjima po osnovu članstva u upravnim/nadzornim odborima
Godina studija kandidata	Broj upisane godine X 2 boda	1.Uvjerenje o redovnom studiranju kandidata
Brat ili sestra redovan student/učenik	Redovan student/učenik X 5 bodova	1.Uvjerenje o redovnom studiranju/školovanju za brata ili sestru
		<b>Ostala potrebna dokumentacija:</b>
		1.Prijavni obrazac
		2.CIPS prijava(pribavlja Služba)
		3.Izjava da kandidat nije korisnik stipendije iz drugih izvora finansiranja - ovjerena
		4.Podaci o tekućem računu otvorenom na ime kandidata - Instrukcija za plaćanje izdata od banke

**KATEGORIJA 8: Studenti I godine studija/ brućoši**

Pravo na stipendiju ostvaruju kandidati koji prvi puta upisuju prvu godinu studija na nekom od fakulteta u Bosni i Hercegovini.

U ovoj kategoriji se primjenjuju dva eliminatorna kriterija koja se odnose na prosječnu ocjenu i visinu primanja po članu porodice.

Eliminatorni kriteriji:

- prosječna ocjena u prethodnoj školskoj godini manja od 4,10
- prosjek svih primanja po članu porodice prelazi 50% prosječne plate u FBiH prema posljednjim zvanično objavljenim podacima prije objavljivanja konkursa

Elementi bodovanja:

- Prosječna ocjena iz IV razreda srednje škole pomnožena sa 100
- Bodovi po osnovu primanja po članu porodice
- bodovi ako su brat /sestra redovan student/učenik osnovne ili srednje škole

Kriterij	Bodovanje	Potrebna dokumentacija
<b>Eliminatorno:</b> Prosječna ocjena u prethodnoj školskoj godini manja od 4,10		
<b>Eliminatorno:</b> Primanja po članu porodice prelaze 50% prosječne plate u FBiH prema posljednjim zvanično objavljenim podacima prije objave konkursa		

Redovan student prve godine studija		Uvjerenje o redovnom studiranju
Prosječna ocjena iz prethodne školske godine	Prosječna ocjena iz prethodne školske godine izražena sa dvije decimale X 100	1.Uvjerenje o prosjeku ocjena ostvarenih u prethodnoj školskoj godini ili Svjedočanstvo o završenom IV razredu srednje škole
Primanja po članu porodice ne prelaze 50% prosječneplate u FBiH prema posljednjim zvanično objavljenim podacima prije objave konkursa	<p>1.Porodica bez primanja..... <b>60 b.</b></p> <p>2.Primanja po članu porodice do 10% prosječne plate.....<b>50 b.</b></p> <p>2.Primanja po članu porodice od 11 do 20% prosječne plate.....<b>40 b.</b></p> <p>2.Primanja po članu porodice do 21 do 30% prosječne plate.....<b>30 b.</b></p> <p>2.Primanja po članu porodice od 31 do 40% prosječne plate.....<b>20 b.</b></p> <p>2.Primanja po članu porodice od 41 do 50% prosječne plate.....<b>10 b.</b></p>	<p>1. Kućna lista - ovjerena</p> <p>2. Uvjerenje Službe za zapošljavanje ili uvjerenje iz ispostave Porezne uprave za sve nezaposlene članove porodice</p> <p>3.Dokazi o primanjima svih punoljetnih članova porodice:</p> <p>3.1. Platne liste za tri mjeseca navedena u konkursu – original ili ovjerena kopija</p> <p>3.2. Ček PIO/MIO – za mjesec prije objavljivanja Konkursa - original ili ovjerena kopija</p> <p>3.3. Uvjerenje Porezne uprave o primanjima od samostalne djelatnosti, primanjima po osnovu članstva u predstavničkim tijelima (paušali), primanjima po osnovu članstva u upravnim/nadzornim odborima</p>
Brat ili sestra redovan student/učenik	Redovan student/učenik X 5 bodova	1.Uvjerenje o redovnom studiranju/školovanju za brata ili sestru
		<b>Ostala potrebna dokumentacija:</b>
		1.Prijavni obrazac
		2. CIPS prijava (pribavlja Služba)
		3. Izjava da kandidat nije korisnik stipendije iz drugih izvora finansiranja - ovjerena
		4.Podaci o tekućem računu otvorenom na ime kandidata - Instrukcija za plaćanje izdata od banke

**Član 13.****IV POSTUPAK DODJELE STIPENDIJA I APLICIRANJA**

Stipendije se dodjeljuju na osnovu ispunjavanja kriterija za ostvarivanje prava na stipendiju.

Zaključak o terminu objavljivanja konkursa donosi Gradonačelnik.

Konkurs objavljuje Gradska služba za društvene djelatnosti i boračko-invalidsku i socijalnu zaštitu koja izrađuje i prijedlog konkursa, te obavlja i druge stručne i administrativne poslove vezane uz ovaj postupak.

Konkurs se objavljuje na zvaničnoj web stranici Grada Gradačac ([www.gradacac.ba](http://www.gradacac.ba)) i ostaje otvoren 15 dana.

**Član 14.**

Konkurs sadrži sljedeće podatke:

- naziv tijela koje raspisuje konkurs,
- novčani iznos stipendija
- uslove i kriterije za dodjelu stipendija
- trajanje konkursa,
- naziv tijela kojem se podnose zahtjevi,
- popis potrebne dokumentacije
- rok u kojem će biti objavljeni rezultati konkursa.

**Član 15.**

Prijave na konkurs vrše se isključivo putem online sistema e-stipendija dostupnog na službenoj web stranici Grada Gradačac. Kandidati su dužni popuniti elektronski prijavni obrazac i priložiti odgovarajuću dokumentaciju u digitalnom formatu, u skladu sa odredbama ove Odluke.

Kandidati koji nemaju pristup internetu mogu koristiti besplatan internet u zgradi Gradske uprave, gdje će im se pružiti tehnička podrška za pristup.

**Član 16.****V KOMISIJA**

Članove komisije za provođenje postupka dodjele stipendija Grada Gradačac za svaku školsku godinu imenuje Gradonačelnik iz nadležnih gradskih službi.

Komisija na osnovu rezultata elektronskog bodovanja sačinjava Privremene liste kandidata za dodjelu stipendije grada Gradačca.

**Član 17.****VI Lista kandidata koji ispunjavaju uslove za dodjelu stipendija**

Na osnovu obrade priložene dokumentacije i rezultata elektronskog bodovanja prijavljenih

kandidata sačinjavaju se privremene liste kandidata koji su aplicirali za dodjelu stipendije: Lista učenika i Lista studenata.

**Član 18.**

Nakon uvrštavanja na liste svih kandidata koji ispunjavaju uslove konkursa bez bodovanja, ostatak sredstava se raspoređuje u kategorije V do VIII u kojima se vrši bodovanje, u sljedećim omjerima:

1. Kategorija V.....30% preostalih sredstava prema Odluci
2. Kategorija VI.....30% preostalih sredstava prema Odluci
3. Kategorija VII.....20% preostalih sredstava prema Odluci
4. Kategorija VIII..... 20% preostalih sredstava prema Odluci

Ukoliko se nakon zatvaranja konkursa ne prijavi dovoljan broj kandidata koji ispunjavaju uslove za ostvarivanje stipendije u nekoj od kategorija u kojima se vrši bodovanje, preostali broj stipendija iz tih kategorija će se raspoređivati u jednakim omjerima u ostale kategorije u kojima ima kandidata koji ispunjavaju sve uslove.

Ako više kandidata ima jednak broj bodova, prednost ima kandidat s nižim porodičnim primanjima.

**Član 19.**

Privremene liste kandidata sadrže podatke o kandidatu: prezime (ime oca) i ime, razred/godina studija, naziv obrazovne ustanove i mjesto, ostvarenom broju bodova po svim kriterijima bodovanja i ukupnom broju bodova u kategorijama u kojima se vrši bodovanje.

**Član 20.**

Na objavljene privremene liste nezadovoljni kandidati mogu uložiti prigovor nadležnom tijelu Gradskog vijeća u roku od 8 dana od dana objavljivanja listi.

Nadležno tijelo Gradskog vijeća će donijeti odluke o prigovorima, a Gradonačelnik će objaviti konačnu Listu učenika i Listu studenata koji su ostvarili pravo na stipendiju Grada Gradačac.

Konačna Lista učenika i Lista studenata koji su ostvarili pravo na stipendiju Grada Gradačac biće objavljene na web stranici Grada Gradačac ([www.gradacac.ba](http://www.gradacac.ba))

**Član 21.**

Sa korisnikom stipendije Gradonačelnik potpisuje ugovor o dodjeli stipendije Grada Gradačac.

Za maloljetnog korisnika stipendije ugovor obavezno potpisuje roditelj ili staratelj.

Isplata stipendija vrši se na tekući račun otvoren u banci na ime korisnika stipendije.

#### Član 22.

Svi lični podaci kandidata prikupljeni putem e-stipendije koriste se isključivo u svrhu ovog postupka, u skladu sa Zakonom o zaštiti ličnih podataka.

#### Član 23.

Stupanjem na snagu ove Odluke prestaje da važi Odluka o općim uslovima, postupku i kriterijima za ostvarivanje prava na stipendiju Grada Gradačac («Službeni glasnik Grada Gradačac» broj: 11/21 i 1/25).

#### Član 24.

Ova Odluka stupa na snagu osmog dana od dana objavljivanja u «Službenom glasniku Grada Gradačac».

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-477/25  
Datum: 27.11.2025.god.  
G r a d a č a c**

**PREDSJEDAVALAČ  
GRADSKOG VIJEĆA  
Nedžad Šečić, s.r.**

10.

Na osnovu člana 13. stav (2) alineja 18. Zakona o principima lokalne samouprave ("Službene novine FBiH" broj 49/06 i 51/09) i člana 21. tačka 26. Statuta Grada Gradačac ("Službeni glasnik Grada Gradačac" broj 10/22), na prijedlog Gradonačelnika Grada Gradačca, Gradsko vijeće Grada Gradačac, na 11. redovnoj sjednici održanoj 27.11.2025. godine, donosi

### ZAKLJUČAK

#### I

1. Gradsko vijeće utvrđuje Nacrt Odluke o spomen-obilježjima na području Grada Gradačac.

2. Nacrt Odluke upućuje se na javnu raspravu koja će trajati 15 dana.

Za provođenje javne rasprave zadužuje se Gradska služba za društvene djelatnosti, boračko-invalidsku i socijalnu zaštitu.

Subjekti javne rasprave su: Gradsko vijeće, klubovi vijećnika i radna tijela Gradskog vijeća, Gradonačelnik, službe za upravu i druge službe, javne ustanove, javna preduzeća i mjesne zajednice Grada Gradačac, udruženja građana, privredni subjekti te građani grada Gradačac.

3. Nacrt Odluke će biti objavljen na zvaničnoj web stranici Grada Gradačac ([www.gradacac.ba](http://www.gradacac.ba)).

4. Prijedloge i sugestije u okviru javne rasprave potrebno je dostaviti u pisanoj formi na adresu Gradske službe za društvene djelatnosti, boračko-invalidsku i socijalnu zaštitu ili putem e-maila na adresu: [jelena.tokic@gradacac.ba](mailto:jelena.tokic@gradacac.ba).

5. Nakon razmatranja svih eventualnih sugestija i prijedloga učesnika javne rasprave na Nacrt Odluke o spomen-obilježjima na području Grada Gradačac, Gradska služba za društvene djelatnosti, boračko-invalidsku i socijalnu zaštitu će utvrditi Prijedlog Odluke i uputiti Gradskom vijeću na razmatranje I usvajanje.

#### II

Ova Odluka stupa na snagu osmog dana od dana objavljivanja u „Službenom glasniku Grada Gradačac“.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-478/25  
Datum: 27.11.2025.god.  
G r a d a č a c**

**PREDSJEDAVALAČ  
GRADSKOG VIJEĆA  
Nedžad Šečić, s.r.**